

Majlis Pelancaran
KEMPEN KAMI PRIHATIN
“APAKAH DOSAKU”
PERINGKAT INSTITUSI PENGAJIAN TINGGI (IPT)

DIRASMIKAN OLEH
YABHG. DATIN PADUKA SERI ROSMAH MANSOR
ISTERI PERDANA MENTERI MALAYSIA



kami 
prihatin

Tarikh : 24 Januari 2011 (Isnin)
Masa : 3:30 Petang
Tempat : Kompleks Sukan UMP

Anjuran



Kementerian Pendidikan
Warta, Keluarga dan Masyarakat



Setitis Tinta



Bismillahirrahmanirrahim

Assalamualaikum Warahmatullahi Wabarakatuh dan Salam 1 Malaysia.

Generasi muda yang ada pada hari ini merupakan kelompok harapan kita untuk meneruskan kesinambungan agenda pembangunan nasional sebagai pewaris dan peneraju masa hadapan. Anak-anak muda ini membentuk sebahagian besar dari jumlah keseluruhan rakyat Malaysia, sekaligus menjadi kelompok kritikal yang memerlukan perhatian khusus dari kita.

Kepesatan pembangunan material perlu diseimbangkan dengan pembangunan spiritual dan sendiri masyarakat, termasuklah generasi muda sebagaimana yang telah digariskan dalam Wawasan 2020. Namun begitu, peningkatan kes pembuangan bayi di kalangan muda-mudi ini amatlah mendukacitakan dan telah memberi isyarat waspada kepada kita supaya menyedari bahawa gejala ini merupakan virus yang akan merosakkan institusi masyarakat sekiranya tidak dibendung.

Dalam konteks ini, saya ingin mengingatkan kepada semua lapisan masyarakat bahawa tiada seorang pun yang dikecualikan dalam mendidik golongan ini dan sekaligus membanteras gejala sosial ini. Sama ada inisiatif secara individu atau berkelompok, besar atau kecil, semuanya berupaya menjadi satu jentera untuk menangani penyakit ini dari terus tersebar. Persepsi masyarakat terhadap golongan ini juga perlu diubah supaya golongan ini tidak terus hanyut dibawa arus permodenan.

Justeru, saya merakamkan setinggi-tinggi tahniah dan syabas kepada Universiti Malaysia Pahang di atas usaha murni ini dalam melancarkan kempen Kami Prihatin – “Apakah Dosaku” di peringkat Institusi Pengajian Tinggi Awam (IPTA). Saya berkeyakinan penuh bahawasanya kempen seumpama ini mampu dijadikan landasan kepada semua warga siswa dan siswi sekalian untuk berganding bahu bersama-sama dengan kerajaan dalam membendung gejala pembuangan bayi ini.

Akhir kata, saya mendoakan supaya kempen ini berjalan dengan lancar dan memberikan kesan dan impak yang maksima dan positif kepada golongan muda-mudi ini.

Sekian, terima kasih.



Datin Paduka Seri Rosmah Mansor
Isteri YAB Perdana Menteri Malaysia

Sekapur Sirih Seulas Pinang



Assalamualaikum w.b.t., Salam Sejahtera dan Salam 1Malaysia.

Kementerian Pengajian Tinggi (KPT) berbangga kerana dapat turut serta dalam kempen Kami Prihatin – “Apakah Dosaku?” peringkat Institusi Pengajian Tinggi Awam (IPTA) yang dipelopori oleh Universiti Malaysia Pahang (UMP).

Inisiatif untuk melebarkan perimeter kempen Kami Prihatin yang dicetuskan oleh Utusan Malaysia sejak bulan Mac 2010 yang lalu ke lapangan kampus merupakan usaha terpuji bagi menyuntik kesedaran tinggi dalam kalangan masyarakat kampus mengenai parahnya gejala pembuangan bayi di negara ini.

Justeru, para cendekiawan dan mahasiswa di IPTA mempunyai tanggungjawab untuk turut serta membantu kerajaan bagi menangani masalah sosial ini. Dalam konteks ini, cendekiawan berupaya mengutarakan cadangan penyelesaian melalui penyelidikan yang dijalankan, manakala mahasiswa pula boleh berganding bahu sesama mereka atau bersama pertubuhan bukan kerajaan (NGO) bagi menganjurkan aktiviti kesedaran secara sukarela yang bersesuaian di peringkat kampus dan komuniti.

Dalam hubungan tersebut, pelancaran kempen Kami Prihatin – “Apakah Dosaku?” peringkat IPTA pada hari ini menjadi lambang sensitiviti dan kekhawatiran warga kampus terhadap akibat buruk gejala pembuangan bayi terhadap institusi sosial di negara ini.


Saya menyanjung tinggi komitmen yang telah diperlihatkan oleh Persatuan Wanita UMP (Matahari) dan Majlis Perwakilan Pelajar UMP serta amat menghargai kerjasama dan sokongan yang diberikan oleh Kementerian Pembangunan Wanita, Keluarga dan Masyarakat, Utusan Malaysia, Berita Harian, Astro Awani dan semua pihak bagi menjayakan kempen ini.

Sekian, terima kasih.

A handwritten signature in black ink, appearing to read 'Mohamed Khaled Nordin'.

Dato' Seri Mohamed Khaled Nordin
Menteri Kementerian Pengajian Tinggi Malaysia

Secarit Manikam Tinta



Assalamualaikum w.b.t. dan Salam 1Malaysia.

Alhamdulillah syukur ke hadrat Allah S.W.T kerana dengan limpah kurnia dan izinNya dapat kita bersama-sama berkumpul di Majlis Kempen Kami Prihatin yang bertujuan untuk membangkitkan kesedaran masyarakat terhadap gejala penderaan kanak-kanak dan pembuangan bayi anjuran Universiti Malaysia Pahang (UMP) pada hari ini.

Tahniah dan terima kasih saya ucapkan kepada Pihak ASTRO, Kumpulan Utusan Malaysia dan Karyawan di atas inisiatif untuk menyambut perjuangan Kementerian Pembangunan Wanita, Keluarga dan Masyarakat (KPWKM) di dalam menangani isu-isu penderaan kanak-kanak dan pembuangan bayi. Tahniah juga diucapkan kepada pihak penganjur dan semua di UMP kerana telah sudi untuk bersama kami menggerakkan kempen Kami Prihatin di peringkat Institusi Pengajian Tinggi (IPT).

Adalah menjadi harapan saya dan KPWKM agar kempen ini turut dijadikan sebagai landasan untuk mengimplementasikan Dasar Perlindungan Kanak-Kanak di setiap premis yang berkaitan seperti sekolah-sekolah, institusi-institusi pengajian tinggi dan kawasan-kawasan tumpuan awam, agar mesej pentingnya melindungi kanak-kanak dapat disebar dengan lebih luas.

Di sebalik pelbagai pendedahan yang telah dibuat oleh pihak media massa mengenai gejala sosial, kes-kes penderaan kanak-kanak dan pembuangan bayi ini masih tetap berleluasa. Hakikat bahawa kebanyakan kes pembuangan bayi melibatkan pasangan remaja, termasuklah yang masih menuntut di sekolah atau di institusi pengajian tinggi, mengetuk pintu minda kita untuk khuatir akan keampuhan akhlak generasi muda sebagai kelompok harapan bagi meneruskan agenda pembangunan dan aspirasi negara. Kesedaran warga IPT terhadap seriusnya gejala penderaan kanak-kanak dan pembuangan bayi sewajarnya diterjemahkan dalam apa jua bentuk yang menambah nilai kepada usaha penyelesaian isu-isu gejala sosial di negara ini.

Syabas kerana menjadi warga Malaysia yang prihatin!

Salam hormat.

Senator Dato' Sri Shahrizat Abdul Jalil
Menteri Pembangunan Wanita, Keluarga & Masyarakat

Sepatah Kata Seulan Bicara



Assalamualaikum w.b.t. dan Salam 1Malaysia.

Penganjuran kempen Kami Prihatin – “Apakah Dosaku?” merupakan manifestasi cetusan kesedaran warga Institusi Pengajian Tinggi Awam (IPTA) terhadap gejala pembuangan bayi yang merupakan salah satu penyakit sosial di negara ini.

Gejala pembuangan bayi yang banyak melibatkan pasangan muda-mudi adalah satu ancaman serius kepada kestabilan masyarakat dan masa hadapan negara. Justeru, komitmen untuk menangani barah sosial ini haruslah dipancarkan oleh setiap lapisan masyarakat tanpa menyandarkan tanggungjawab penyelesaian kepada Kerajaan semata-mata.

Melalui kempen Kami Prihatin – “Apakah Dosaku?”, komuniti kampus khususnya dan massa amnya diajak untuk sama-sama berganding bahu bagi mengenal pasti penyelesaian yang wajar terhadap gejala pembuangan bayi. Apa yang penting ialah untuk semua pihak menginsafi bahawa “mencegah itu adalah lebih baik dari merawat.”

Universiti Malaysia Pahang (UMP) dan rakan-rakan IPTA lain amat berbesar hati kerana dapat turut serta bersama-sama membantu Kerajaan menangani kemelut sosial ini melalui kempen Kami Prihatin – “Apakah Dosaku?”

Setinggi-tinggi ucapan penghargaan dirakamkan kepada YABhg. Datin Paduka Seri Rosmah Mansor, Isteri YABhg Perdana Menteri atas sokongan padu yang diberikan terhadap penganjuran kempen ini. Turut dihargai adalah dukungan pihak Kementerian Pengajian Tinggi, Kementerian Pembangunan Wanita Keluarga & Masyarakat, Utusan Malaysia, Berita Harian, Karyawan dan Astro Awani bagi menjayakan kempen ini.

Syabas dan tahniah kepada Persatuan Wanita UMP (Matahari) dan Majlis Perwakilan Pelajar UMP atas komitmen yang telah diperlihatkan untuk merealisasikan usaha murni ini.

Salam hormat.



Profesor Dato' Dr. Daing Nasir Ibrahim
Naib Canselor Universiti Malaysia Pahang

Pendahuluan

Majlis Pelancaran Kempen Kami Prihatin - "Apakah Dosaku" Peringkat Institusi Pengajian Tinggi (IPT) ini adalah anjuran Kementerian Pengajian Tinggi Malaysia (KPTM), Universiti Malaysia Pahang (UMP) dan Persatuan Wanita Universiti Malaysia Pahang (Matahari) dengan sokongan dan kerjasama Kementerian Pembangunan Wanita, Keluarga & Masyarakat, Utusan Malaysia, Astro dan Karyawan.

Latar Belakang

Kes buang bayi di negara ini semakin serius apabila ia meningkat mendadak lebih 54 peratus sejak Januari sehingga hari ini berbanding lapan bulan pertama tahun lalu (Utusan Malaysia 17 Ogos 2010). Statistik terbaru dikeluarkan oleh Ibu Pejabat Polis Bukit Aman menunjukkan, terdapat 65 kes buang bayi dilaporkan di seluruh negara sejak awal tahun ini berbanding hanya 42 kes dalam tempoh sama tahun lalu. Sejak tahun 2005 sehingga kini, terdapat 472 kes buang bayi dilaporkan di seluruh negara di mana 214 bayi yang ditemui masih hidup manakala 258 lagi sudah meninggal dunia.

Berdasarkan statistik tersebut, Majlis Perwakilan Pelajar (MPP), Persatuan Wanita UMP (Matahari) berganding bahu dan bekerjasama dengan melancarkan Kempen Kami Prihatin - "Apakah Dosaku" Peringkat IPT bagi mengadakan kempen kesedaran membendung gejala tersebut dewasa ini.

Pelancaran Kempen 'Apakah Dosaku' ini menyokong menjayakan Kempen Kami Prihatin yang dianjurkan pihak Utusan Malaysia dengan kerjasama Astro, Karyawan dan Kementerian Pembangunan Wanita, Keluarga & Masyarakat bagi memberi kesedaran kepada masyarakat mengenai gejala sosial pembuangan bayi. Bagi menunjukkan komitmen daripada semua IPT turut diadakan Pertandingan Nyanyian Lagu Puisi IPT dan Malam Puisi Riong dengan kerjasama Berita Harian bersempena menjayakan kempen itu nanti. Pendekatan sastera bertemakan 'Apakah Dosaku' ini akan mendidik masyarakat sama-sama menangani ancaman gejala sosial ini. Justeru, penganjuran Pertandingan Nyanyian Lagu Puisi IPT dan Malam Puisi Riong ini akan menjayakan hasrat melahirkan masyarakat pembaca dan pengguna yang mempunyai kesedaran dalam kemajuan material dan intelektual.

Objektif Program

- Menyampaikan kesepaduan suara dan keperihatinan terhadap isu penderaan, pembunuhan bayi dan kanak-kanak di Malaysia daripada seluruh warga mahasiswa-mahasiswa IPT dan kakitangan Universiti melalui Majlis Perwakilan Pelajar (MPP) dan Persatuan Wanita UMP (Matahari) dan Institusi Pengajian Tinggi Awam & Swasta di bawah Kementerian Pengajian Tinggi Malaysia (KPTM).
- Menyokong hasrat kerajaan bagi memberi kesedaran dan pendidikan kepada masyarakat mengenai gejala buang bayi melalui bait-bait puisi / lagu-lagu puisi yang akan diilhamkan oleh setiap IPTA/IPTS dan akan dideklamasikan oleh wakil IPTA / IPTS atau wakil artis-artis puisi jemputan melalui media-media cetak dan media-media elektronik (hasil daripada persembahan Pertandingan Nyanyian Lagu Puisi IPT – “Apakah Dosaku.”
- Memupuk kesedaran dan melancarkan Kempen “Apakah Dosaku” di kalangan warga IPT dan pelancaran lagu “Ini Dosa Siapa” sebagai lagu puisi tema Program Malam Puisi Riong dan kempen “Apakah Dosaku” Peringkat Institusi Pengajian Tinggi (IPT).
- Membina dan mengekalkan kesinambungan hubungan media dengan kelompok intelek, sastera dan masyarakat dalam usaha melahirkan masyarakat pembaca dan pengguna yang mempunyai kesedaran dalam kemajuan material dan intelektual.
- Menyokong pelaksanaan Program Kami Prihatin bersama rakan media lain seperti Utusan Malaysia, Karyawan, Astro dan Kementerian Pembangunan Wanita, Keluarga & Masyarakat kepada generasi baharu yang terdiri di kalangan pelajar sekolah dan IPT.

Atur Cara

- 2:30 petang : Ketibaan Dif-dif Jemputan
- 3:00 petang : Ketibaan Yang Hormat Naib Canselor UMP
Profesor Dato' Dr. Daing Nasir Ibrahim & Isteri
- 3:05 petang : Ketibaan Ahli-ahli Lembaga Pengarah UMP
- 3:10 petang : Ketibaan Yang Berhormat Timbalan Menteri Pengajian Tinggi
Dato' Saifuddin Abdullah dan Isteri
- 3:15 petang : Ketibaan Yang Berhormat Menteri Pembangunan Wanita, Keluarga & Masyarakat
Dato' Seri Sharizat Datuk Abdul Jalil
- 3:20 petang : Ketibaan Menteri Besar Pahang
Dato' Sri Diraja Haji Adnan bin Haji Yaakob
- 3:30 petang : Ketibaan isteri Perdana Menteri Malaysia
: YABhg Datin Paduka Seri Rosmah Mansor
: Bacaan Doa
- 3:45 petang : Ucapan Alu-Aluan oleh Naib Canselor UMP
: Ucapan Menteri Pembangunan Wanita, Keluarga & Masyarakat
: Ucapan Perasmian YABhg Datin Paduka Seri Rosmah Mansor,
Isteri Perdana Menteri Malaysia
: Persembahan Montaj dan Gimik
: Nyanyian Lagu Tema "Ini Dosa Siapa"
: Persembahan Puisi oleh Pemenang Sayembara Puisi
: Persembahan Puisi oleh Wakil MPP
: Persembahan Puisi oleh Artis Tempatan
: Penyampaian Hadiah dan Cenderahati
- 5:30 petang : Jamuan/Bersurai

Lagu Tema

Ini Dosa Siapa

*Apakah dosa apakah salahnya
Kelahiran tak direstu*

*Terik matahari
Dingin embun pagi
Duri ranjau mengiringi*

*Terbuang di lorong
Terbunuh dibunuh
Malang dan seksa bertaut*

*Sejak mula menjengah dunia
Jalan hidupnya berliku*

*Khilaf ayah bonda
Hanyut dalam noda
Anak malang jadi mangsa*

*Tiada belaian
Juga kasih sayang
Untuk anak yang terbuang*

*Ibu
Dengarlah rintihan anakmu ibu
Yang dahaga
Belaian kasihmu*

*Ayah
Lindungi dan bimbinglah oh anakmu
Yang kembara
Di atas dunia*

*Dengarlah insani
Rintih anak suci
Yang malang kerana ayah bonda*

*Berikan belaian
Beri kasih sayang
Fitrah kita sesama manusia*

Lagu : S.Atan
Lirik : Siso Koprata

Tajaan

CELESTRA
Network Communications

Celestra Network Communications Sdn. Bhd.

45, Jalan Equine 9, Taman Equine,
Bandar Putra Permai 43300 Seri Kembangan
Selangor, Malaysia.

Tel : +603-8941 2960
Fax : +603-8941 2981
<http://www.cnc.net.my>

Tajaan

Bukit
Gambang
Resort City

Kuantan Pahang

Leisure at its best!

Sentoria Themeparks & Resort Sdn. Bhd.

KL Office

No. 56 & 58, Jalan Dagang SB 4/2

Taman Sg. Besi Indah

43300 Seri Kembangan

Selangor Darul Ehsan

Tel:+603-8941 9898

Fax:+603-8941 4849

Resort Address

Jalan Bukit Gambang Utama

Bukit Gambang Resort City

26300 Kuantan

Pahang Darul Makmur

Tel:+609-548 8000

Fax:+609-548 6888

<http://www.bgrc.com.my>

Tajaan

Percetakan Info Meditasi Sdn. Bhd.

No 44, Jalan Seri Aman,
Taman Seri Aman,
43200 Cheras,
Selangor Darul Ehsan

Tanjung Network Resources Sdn. Bhd.

Lot 25, PMINT,
Bandar Baru Kerteh
24300 Kerteh,
Kemaman Terengganu

Jakel Trading

No 15 Jalan Aji 84000 Segamat
Johor Darul Takzim

Isuzu Hicom Malaysia Sdn. Bhd.

DRB Hicom
Wisma DRB-HICOM,
Jalan Usahawan U1/8,
Section U1, Shah Alam,
40150 Selangor

Sekalung Budi

Universiti Malaysia Pahang (UMP)

*dengan segala sukacitanya
merakamkan setinggi-tinggi
penghargaan kepada semua pihak
yang terlibat secara langsung mahupun
tidak langsung dalam menjayakan majlis ini.*
